

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

3. Niibus inclusum, mirabili magisterio, docent serpentes nutrimentum quærere.

urn:nbn:de:hbz:466:1-45653

ab ipso olitore superueniente expeditus fuit. Sic serpens, qui in primo horto hominem fecit nocentem, in hoc horto, innocentis excubitor fuit; & qui olim furtum pomi suasit, nunc obstat, ut homo neque oluscum posset furari. Educata à Virgine, apud Seſton urbem, Aquila retulit gratiam, aues primo, mox deinde venatus agerens. Quin, dum mortua Virginis cremarentur ossa, in defuncte regum se conecit volucris, simulq; conflagravit.

Aquila hæc, beneficij memor, gratum se exhibuit; alia nullo beneficio obligata, idem beneficium sponte præstitit Pyrrho Epirotarum regi; & idem alia Ptolomæo Soteri Arsinoës filio. Ast alia (Xiphilino, Suetonio, & Dione testibus) Octauio Augusto, cum puer adhuc ruri, quarto ab urbe lapide, via Campana educaretur, in nemore prandenti, ex improuiso de manibus panem rapuit, móxque altissimè cuolauit, quæ paulo post leniter delapsa ex improuiso eundem ei reddidit. Quod non solùm, cum Imperij portento, ei accidit, sed etiam ut constaret, eadem animalia cibum auferre, & offerre posse. S. Medardum adhuc puerum pecora pascentem à pluuijs, Iosephum Anchietam à Solibus, expassis alis, aquila defendit. Atque ut rursus à nostris, ad Ethnicorum mira regrediamur, Zonaras, Anno, ante Christum 346. tempore Alexandri M. pueri nouem annorum, narrat, Gallis Italiam populantibus, Romanisque resistentibus, Gallum processisse magnitudine atque armis in insignem: qui quatius scutum hasta, cum silentium fecisset, prouocauit, per interpretem, vnum ex Romanis, qui secum ferro decerneret. Ibi M. Valerius, Tribunus militum, adolescens; prius sciatus consulis sui (L. Furij Camilli, .M F.) voluntatem, in medium armatus processit. Ei repente coruus in galea consedit, in hostem versus: qui non solùm tenuit semel captam sedem: sed quotiescumque certamen initum est, leuans se alis, os oculisque hostis rostro & vnguis appetit; donec territum prodigij talis visu, oculisque simul ac mente turbatum Valerius obtruncavit. Ales è conspectu elata, orientem petiit. Inde, victis Gallis, laudatus Tribunus, & decem bobus aureaque à Consule coronatus Coruini cognomen accepit.

III.
Io. Fischer.
lib.4. contra
Oecolamp.
.c.22.

Quia luculentum est diuinæ prouidentiæ ac bonitatis, in alia historia, exemplum, neque fortasse in omnes notum, aut non ita credibile indoctis, auctores, & aliam historiam verbis non meis dabo, quam, ex Ioannis Fischeri Roffensis Episcopi opere, quod

quod Anno 1526. aduersus Oecolampodium edidit (qui se à Wil-
helmo Gronensi docto Frisone probatæque fidei viro accepisse,
testatur) Ludouic Richeomus ita refert: *Is sacerdotem, ait, cheom, in
quendam, cum, sub initium hyemis, Italianam versus iter ageret, niuis & Peregrino
algorum adactus necessitate, dum in alpibus errabundus, mitiorem à Lauretanæ
ventis, & niibus vallem reperire sperans, desiliisset, neque reducem,* cap. 138.
quaqua versum exitum compresisset, neque unde desiliuerat, propter alti-
tudinem, ascendere potuisset, sub exesam, & propendentem rupem se se
fame moriturum coniecerat, ac desperasse. Sed, ut erat luna plena, vi-
di noctu serpentum diuersa genera, qui ad ipsius cavernam tendebant
niue super repentes; exterritus hoc visu, muniuit se signo S. Crucis.
Neg, enim sibi persuadere statim potuit, naturales esse serpentes, nullam
singere causam valens, quanaturaliter cogarentur, tali tempestate, an-
tra sua exire, & sic per niues repere. Phantasma cum igitur nocturno-
rum quandam credidit illusionem, aut spiritus forte malignos, qui tali
specie simulata ad se inquietandum accederent. Rursum igitur signum
Crucis sibi imprimens, commendabat se, toto mentis affectu, Deo ac
Beatae Virgini. Serpentes rectâ versiss lapidem speluncæ sua vicinum
contendebant, ibiq, aliquot factis reflexibus coperunt eundem lingere.
Ipse interim anxie eos respectans horam prestolabatur, quâ impetu facto
ingrederentur speluncam ad se deuorandum. At ubi illi aliquandiu
lapidem linxisserint, regressi sunt, eadem, qua venerant, viâ, in sua ana-
tra. Summas igitur Deo agit gratias, qui tali cum metu liberasset, dor-
mivitq, nonnihil, per noctis reliquum, absq, cibo diem sequentem tran-
scens, nihilq, prater candorem niuis terram latè operientis, & lucem
cali videns. Secundâ & tertîâ nocte, horâ eadem, reuersi serpentes fe-
cerunt similiter, & abierunt. Tum demum credidit naturales serpen-
tes, sed mirabatur, quidnam ita lapidem lingerent. Iam penè viribus
destituto incidit cogitatio, quòd forte animalia illa ostenderent, quid sibi
faciendum esset, in sua necessitate; tumq, ad lapidem accedens caput
eundem similiter lingere, & ecce (res stupenda) inter lingendum, ita
fuit restitutus quasi cibo refectus. Tali itaq, modo, totâ hyeme, sub rupe,
lascians contra frigus & famem se defendebat, donec, in fine Aprilis,
niue solutâ, peruys iam factis alpibus, quosdam audiret in vicino collo-
quentes, ijsq, se comitem præbuit ad peregrinationem suam complendam.
Hæc Richeomus.

Ergo, si vult Deus, serpentes, quos in aliorum supplicia-
immisit, in auxilia immittit aliorum. Nullius igitur temeritas

accusare

I V.